



Central University of
Technology, Free State

Ho tswa kantorong ya Motlatsatjhanselara le HLooho

MOLAETSA O AMANG SETJHABA SA CUT

PULO YA YUNIVESITHI KA MEKGHALELO

29 Motsheanong 2020

2020 #18

Setjhaba se ratehang sa CUT

Ke tshepa hore le phetse ha ntle nakong ena ya diphepetso le maemo a sa tlwaelehang.

Ha jwale, ntse re tswelapele ho fana ka dithuto ka tshebediso ya mararang a fapaneng a thekenoloji ntle le ho kopana nakong ena ya kgino ya ditshebeletso. Matsapa ana a paka boitlamo ba CUT ba ho nnetefatsa hore baithuti bohle ba fumana monyetla wa ho phetha selemo sa dithuto sa 2020 ka katleho.

Letona la Thuto e Phahameng, Saense le Thekenoloji le dumelletse baithuti ba selemong sa ho qetela sa dithuto tse hlohang thupello e amang tsa bongaka, ho kgutlela yunivesithi nakong ya kgino ya ditshebeletso boemong ba bone. Ka hoo, CUT mona **mokgopi wa pele** wa baithuti ba 133 ba selemong sa ho qetela dithutong tsa *Radiography, Clinical Technology* le *Biomedical Technology* o tla kgutlela dibakeng tsa madulo ka la 1 Phupjane 2020. Empa, baithuti bana ba tla ikwalla matlung a bona nakong ya matsatsi a 14 pele ba ka teana le barupelli ntshetsopeleng ya dithuto tsa bona tse hlophilweng ka la 15 Phupjane 2020. Motlatsatjhanselara wa Dithupello le Thuto o se a ikgokahantse le baithuti bana.

Jwalo ka ha re ananetse lepetjo la lekala la thuto e phahameng le reng **pholosa selemo sa dithuto – boloka maphelo**, bophelo bo botle le polokeho ya basebetsi le baithuti di ka sehloohong. Le ha re ikemiseditse ho phethela selemo sena sa dithuto, Balaodikakaretso ba CUT ha ba batle ho beha maphelo a batho tloksing. Ka hoo, meaho yohle ya CUT (*Bloemfontein le Welkom*), mmoho le dibaka tsa madulo a baithuti, di hlwekisitse ka botlalo. Re boetse ra hloma ditsi tsa ho hlwekisa matsoho ka hare ho khamphase mme batho bohle ba tla hlahlojwa pele ba kena makgalong a CUT. Basebetsi le baithuti ba tla fumantshwa di-mask tsa masela mmoho le tlhahisoleseding ka polokeho le tsa bophelo bo botle. Le ha ho le jwalo, re dumetse hore phano ya dithuto e tla nne e tswelapele ka tshebediso ya marangrang a thekenoloji, mme basebetsi ba tla sebeletsa mahae moo ho kgonehang.

Ka la 23 Motsheanong 2020, Letona la Thuto e Phahameng, Saense le Thekenoloji le phatlaladitse hore boemong ba boraro ba kgino ya ditshebeletso, baithuti ba etsang 33% ba tla dumellwa ho kgutlela di yunivesithing ha feela ho nnetefaditswe polokeho le tshehetso e batsi ya bophelo bo botle ka tataiso ya melawana ya polokeho e behilweng. Sena se ama baithuti ba hlohang tshebediso ya dilaboratori, disebediswa tsa botekgeniki le dikomporo tse ikgethileng tsa dilaboratori. Ka tlatsetso, le baithuti ba selemong sa pele sa thupello ho tsa bongaka, mmoho le ba tswellisang thuto tsa bona pele. Re mothating wa ho phethela ditlhophiso bakeng la ho amohela **Mokgupi ona wa bobedi** kwedding ya Phupjane. Motlatsatjhanselara wa Dithupello le Thuto o tla ikgokahanya le baithuti bana bekeng e tlang. Baithuti ba bang bona batla nne ba rupellwe ka tshebediso ya marangrang a thekenoloji. Moo ho kgonehang, basebetsi ba bang ba tla sebeletsa mahae tlasa tataiso ya baokamedi ba bona.

Re etsa boitlamo ba ho thusa baithuti ba rona ho atleha dithutong tsa selemo sa 2020, le ho tshehetsa basebetsi bohle. Re leboha tshehetso ya lona ho menahane. Hopola ho ikgokahanya le rona ka metjha ya dipuisano, le ho fumana tlhahisoleseding e batsi mabapi le boipaballo kgahlano le COVID-19. Re a tseba ebile re lemoha maima ohle ao le tobaneng le ona nakong ena e boima.

E se e ka Ramasedi a ka le hlohonolofatsa!

Prof. Henk de Jager

Motlatsatjhanselara le Hlooho